



UNIVERSITÄTS-  
BIBLIOTHEK  
PADERBORN

**R. P. Ivlii Fatii S. J. Liber De Mortificatione Nostrarvm  
Passionvm, Prauorumque affectuum**

**Fazio, Giulio**

**Köln, 1604**

De omni vana gloria & superbia calcanda, deque defiderio contemptus sui.  
VIII.

---

[urn:nbn:de:hbz:466:1-60991](https://nbn-resolving.org/urn:nbn:de:hbz:466:1-60991)

nō secundum suū affectum. Quia qui nos  
persequuntur, ad sublimius meritum nos  
perducunt, & ad altiozem gloriæ coronā.

## CAPVT VIII.

*De omni vana gloria & superbia calcauda, de  
que desiderio contemptus sit.*

**O**ctaua est perfecta mortificatio affe-  
ctuum vanæ gloriæ & propriæ com-  
placentiæ, honoris seculi atque su-  
perbiæ, in perfecta cognitione & deside-  
rio omnis contemptus. In his verbis duo  
sunt principaliter prosequenda. Primum est,  
quod oportet omni vanæ gloriæ, & com-  
placentiæ quam aliquis in seipso habere  
potest de aliquo virtuoso opere, aut gratia  
Dei seu dono, totaliter mori in perfecta  
agnitione suæ abyssalis vilitatis. Quia ni-  
hil tam nociuum homini spirituali, nec  
liquid Deo plus displicet, quam vana glo-  
ria, & propria complacentia. Hinc legi-  
mus de sancta quadam virgine nomine  
Clara, quod propter exiguam tentationē  
vanæ gloriæ, subtractus ei à Deo fuerit  
annis quindecim influxus diuinæ dulcedi-  
nis ac spiritualis illuminationis: nec prius  
potuerit redire ad ipsum influxum, etiam  
cū multis lacrymis, multo labore, & mul-  
tis precibus. Nec hoc mirum videri debet,  
quā hoc solo fideles serui ab infidelibus e-

*Gloria  
vanani-  
bil Deo o-  
dibilis.*

Geor-



fecernantur. Quia sicut seruus iustus potest ieiunare, vigilare, orare, elemosynam facere, & alia opera virtuosa perficere in veritate: ita potest & infidelis secundum exteriorē apparere: hoc solo excepto, quod non potest domino suo esse fidelis, ut scilicet propter eum duntaxat hæc agat, & eius gratiæ tantummodo ascribat: quia sibi ipsi ascribit ac cum oblectatione in his gloriatur, exaltando se & magnum reputando, ubi tamē se deberet humiliare: alia gratia se reddit indignum: eaque abutitur ad suam damnationem potius, quam ad salutē. Igitur satagere debet, & recognoscere sine fitione omni gratia se indignum, & peccatorum præ cunctis viventibus viliores. Et ad hoc perueniendū, tres oculi considerationis haberi debent. Primus considerabit multitudinem, turpitudinem & magnitudinem suorum peccatorum, ingentem etiam ingratitudinem de diuina gratia, quam accepit (in auxiliū virtutum, & auersionem à peccatis) donatam sibi à Deo. Secundus oculus considerabit quod à multis peccatis præseruatus sit sola diuina gratia, & non sua resistētia: & quod à Deo subtraheretur sibi fuerint occasiones & tērationes magnorum peccatorū, in quibus præ omnibus alijs grauius cecidisset, si ipsum diuina gratia (sicut alios plurimos) dereli-

*Seruitus  
discretio.*

*Oculus  
humilitatis  
veræ  
triplex.*



dereliquisset. Tertius oculos considerabit diuinæ gratiæ profluam largitatem, quam sine meritis suis accepit: & quod maximus in mundo peccator si recepisset gratiam talem, deo gratior existeret, meliusque, ipsam custodiret, & fidelius exerceret in opus, quàm ipse. Etiã licet alius quilibet hodie maximus peccator existat, crastino die conuerti poterit, & viuere sanctissime, sicut Paulus, Magdalena, & ceteri. Existis punctis peruenire poterit per gratiam Dei ad cognoscendum veraciter (quantum in eo est) se maiorem totius mundi peccatorem: quia si bonus est, hoc est sola gratia Dei. Et sic poterit Deo gratus fieri ex vna parte, & humiliare seipsum ex altera.

*Laus humana.*

Secundum est, quod omni inordinate affectui humanæ laudis, honoris, favoris, & complacentiæ, quis perfecte moriatur, desiderando ab omnibus contemni, illudi, confundi, abijci. O quàm parum hæc virtutes quærentur ac desiderantur, & multo minus acquiruntur. Nam etsi reperiantur, qui non concupiscant honorari vel illis placere: attamen valde pauci sunt qui ex fundo cordis desiderent despici, confundi, illudi, & abijci. Et si appareat eis sepe quod seipsum contemnant ex fundo cordis, & desiderent contemni, tamen quamdiu hoc

see.



DE MORTIFICAT. 237

insensibiliter experti non fuerint, puta im-  
prouisè magnam despectionem & con-  
fusionē accipiendo, & in primo ictu oculi  
illas recipiendo pleno affectu sine cordis *Despectio*  
retractione, tamdiu sibiipsis in hoc non *sui.*  
confidant. Quia si dixeris, quod talis tibi  
confusio & despectio non acciderit, ego  
tibi respondeo, quod te Deus necdum  
satis fortem & mortificatum ad hoc co-  
gnoscit. Nam ad nihil est Deus paratior,  
quàm ad mittendum verè mortificato cor-  
di omnem confusionem, despectionem,  
& exteriorem aduersitatem: quia nouit  
summa in hoc consistere merita, ad quæ  
suos charissimos amicos perducere cupit.  
Hoc Iesus in semetipso ostendit, quando  
mortem turpissimam suscepit, & in virgi-  
nea matre sua stante sub cruce, in sancto  
Ioanne Baptista, & in omnibus dilectis a-  
postolis suis.

Notandum tamen hic est, quod nemo  
propter desiderium despectionis alteri  
debet dare occasionem probabilem se cõ-  
fundendi, ne sibi occasio fiat mortalium  
peccatorum. Sed si confusio aliqua vel  
despectio sibi præter sua demerita super-  
uenerit, illā amore Dei pleno corde & af-  
fectu suscipere debet: quia hæc est via cõ-  
pendiosior ad magna merita, & vitam æ-  
ternam.